



Chanmari West Karate Player-te Hnehna Nopui Nen Lo Haw

Chanmari West:12th May: May 3-5, 2013 chhunga Talkatora Stadium, New Delhi-a neih ni thum chhung awh 3rd Asia Cup Karate Championship 2013 neih zawh takah Chanmari West atanga Karate player kal 3 te chuan hlawhtlinna ropui tak changin Ni 9.5.2013 (Ninga) zan dar 7:00 vel khan Aizawl an lo thleng.

3rd Asia Cup Karate Championship 2013-ah hian Home State Team tel phalsak a nih angin Mizoram Karate Players Mipa 11 leh Hmeichhia 11 -an vaiin Players 22-in an khel a; Gold medal 4, Silver Medal 3 leh Bronze Medal 7 an la nghe nghe . Chanmari West atangin player pathum leh Asst. manager Pi Vanlaltluangi d/o Pu L Romawia (L) te an tel.

Chanmari West Karate player, Medal la tute chu:
Tv Rueben Lalhmingmawia s/o Roluahpuia - Junior (16-17 years) Gold Medal & Silver Medal,
Tv Lalhmingmawia s/o Vanlaltluangi (Tluangpuui) - Cadet (14-15 years) in Bronze Medal. NI R Lallawmkimi d/o R.Lalbiaksanga (L) - Senior (18 years) te'n Bronze Medal lain hlawhtlinna ropui tak an chang a ni.

Chanmari West player hlawhtlinna changte hi Branch YMA

chuan a chhuang tak zet a, Ni 8.5.2013 (Nilai) zana Branch YMA Executive thukhawmin kan player-te hmuahna hun ropui tak buatsaih nise a tih angin Ni 9.5.2013 (Ninga) zan khan Chanmari West Kawipuia anmahni lawmna hun hi hman a ni.

Karate Player-te lawmna hun hi Pu RL Thanhnnuna'n kaihruaiin, Pu TC Lalremsiama, Mizoram Team Manager hnen atangin report kimchang ngaihthlak a ni. Karate Player-te hi lawmpuina pangpar leh tangkafai hetiang hian hlan an ni. CW Branch YMA - ₹ 1000 theuh CW Local Council - ₹ 500 theuh CW Branch MHIP - ₹ 500 theuh Councilor, Pi Zamanthangi - ₹ 500 theuh. He hun hi All Mizoram Karate Association (AMKA) hruaitute'n min rtawn hmanpui baw.

Aizawl City Branch YMA OB Ko khawm

Ni 10.5.2013 (Zirtawp) zan khan Central YMA chuan Aizawl khawpui Branch YMA OB-te; Aizawl hmar lam Chanmari YMA Hall-ah leh chhim lam Central YMA Hall-ah a ko khawm a, tunlai Mizoram boruaka hmalak dan tur hetiang hian an sawi ho.

i) Saikhumphai Bawka kangmei tuarte tanpuina tur Zirlai Pawlin an khawn chungchang sawi ho a ni a. Saikhumphai Bawk leh Vaphai khua inkar boruak atangin tun dinhmunah chuan YMA hminga Vehbur khawn rih loh nise tiin.

ii) May ni 14-16 chhunga Sakawrdai HPC Convention neih tura HPC te'n chibing pawl hrang hrangte sawma hma an la chu Central YMA chuan tha ati lo hle.

In sak tanpuina pe

Chanmari West Braanch YMA hmalaknaa kan veng chhunga hmeithai in sak tanpui nan a hnuai mite hian pawisa an pe a, hetiang mi inphal kan veng chhunga an awm hi Branch YMA chuan lawmawm a ti hle. Tanpuina pe duh chuan YMA hruaitute hnenah a pek theih reng a ni. Pu Nundanga - ₹ 10000 Pu Lalchhanhima (Puia) - ₹ 1000

Branch News

Ni 6.5.2013 (Thawhtan) zan khan Silver Jubilee Fund Raising Committee neih a ni.

Ni 17.5.2013 Ninga zan hian Branch Executive Meeting koh tum a ni.

Vice President Pu T.Ngurkhuma Serchhipa Joining Report pe kal pawh a lo haw leh ta.

Treasurer Pu R.Lalhmachhuana'n Thlanmuala hman tur Bandage, Glove leh pemthar damdawi Branch a rawn pe a, Branch YMA in lawmawm a ti hle.

Executive Member Pu Lalchhanhiman Hmeithai in sak tanpuinan Rs 1000/ a rawn pe a, Branch YMA in lawmthu a sawi.

Ni 4.5.2013 Inrinni zing khan Pu VZ Muana in T-Sect.Vaivakawn Road kawngchhak a mi in bangchhak lam chu lunglumin a rawn denga, thil lian tham tihchhiat erawh a nei lova, Pathianni zing khan T-Sect. hruaituten lung tla leh maithei thianfaiin an hnatlang a ni.

Branch YMA in AMC -a zunin siam a dil chu hna thawh tan theih tep a ni tawha, Kawipuia zunin siam hna hi CH-Sect. ten thawkin V-Sect. Pu JC.Thangpuia in luikawr bula zunin siam hna hi V-Sect.ten an thawk dawn a ni.

Taitesena section-te chuan Silver Jubilee budget ₹ 10000 an tlak fel

Neuva Section-te chuan Section budget ₹ 5000 leh Silver Jubilee budget ₹ 10000 chu ₹ 100 ve vea khumin an tlak fel.

Taitesena Section-te chuan YMA AW man ₹15040 (73.15%)an thehltut tawh a. Chawngbawla Section-in an la thehltut lo.



TUNKAR CHANGVAWN

Ringlo mite nena rual lo taka nghawngkawol bat dunin awm suh u. Suahsualna leh felnain eng nge intawmna a neih. II Kor 6:14

Editorial Board

Editor:	RLalringheta	9862358337
Joint Editor :	Lalchhandama	9862358347
	JLalnangliana	9862399658
News Editor :	Thangkhuma	9862303135
	Lalchhuanmawia	9862580558
	KLalremtuanga	9862119608
Cir.Manager :	Jacob Lalrinsanga	9612319779
Production Manager :	TNgurkhuma	9436190843

Branch Office Bearer

President	<i>C. Lalzarliana</i>	9436142049
Vice President	<i>T Ngurkhuma</i>	9436190843
Secretary	<i>Zairemmawia</i>	9862385654
Asst. Secretary	<i>RL Thanhnuna</i>	9436152760
Treasurer	<i>R. Lalmachhuana</i>	9436151817
Fin.Secretary	<i>K Darthantluanga</i>	9436196071
Adviser-te :	<i>Pu F Zosanga</i>	9436142106
	<i>Pu A Biaklawma</i>	9436363169
	<i>Pu Lalrengpuia Sailo</i>	9862075614

Editorial :

YMA chu tanpui ngaite tanpuitu kan nih avangin tanpui mamawh chu kan tanpui ngei tur a ni. Tunlaiin kan ramin Saikhumphai chungchangah harsatna kan taw k a, an harsatna tawh dan hi a pawiin, an khawngaih thlak hle a, hemi chungchangah hian ngaihdan leh thlir dan a hrang thei viau awm e. Kan tana pawimawh tul em em chu thlir dan dik neih a ni a, chumi atan chuan kan thulakna a dik tur a ni.

Hemi chungchangah hian kal dan hi a rualin a lai ngei ngei tur a ni a, mimal hamthatna tur zawnga hmalakna chi a niin a lang lo. Tanpui mamawh chu kan tanpui mai tur a ni. Chutih rual erawh chuan kan hotute rorel dan hi kan zawm leh kan pawm mai tur a ni.

Kan veng leh kan ramah ruihhlo a hluarin a nasa hle mai. Ruihhlo zuar kan vengah kan veng mi anni emaw ni lo emaw an chungah action kan lak dan hi a rualkhai thin loh em avangin, tunah hi chuan hruaitu thenkhat tan hi chuan hmalak lehzel dan tur hi a harsa tawh riau a ni. In leh lo nei chungah chuan hmalak kan harsat viau laiin mi inluah chu awlsam takin kan hnawtchhuak rum rum leh si a, kan kal lehzel dan turah kan fimkhur hle a ngai a ni.

Chutih rual erawh chuan kan hotute pawh hi mihring ve mai annih avangin an rorel leh thutlukna an siam danah fak an hlawh reng lo mai thei, an rel dan pawh tha kan ti lo mai thei, an thiam leh tih ang tawkah memberte chuan thlawp tha ila, a rel tute pawhin ngaihtuahna fing leh uluk takin rel thin se a tha hle ang.

Article:

mawi lo taka sum zawna atana hnamdang hnena kan hming hawhtir hi sim hmak ila. Kan vengchungah ngei pawh an la awm tih YMA hian a hria a ni.

Central YMA President kalchhuak ta Pu Chunga'n 'Kan nulate chhul atangin mizo naute ngei piang se' a tih angin, hnamdang pasal neih loh tur. Kan fanuten mizo tlangval ngei an thlan zawk theih nan nu leh pate pawhin tan i la zel ang u. Hnamdang pasal an neih hian kan mizo-na chawplehchilhin a bo nghal a ni tih i hria ang u.

hi in chimralna kawng awlsam tak a ni a. Chi thlaha leilung luah khat tura thupek kan nih angin, chhungkuain a tlin chhung chu fa neih tamah hian tan i la ang u.

intunnunna leh hmasawna rahbi atan loan lak chu a tha e. Mahse, mi tam zawkah a nihna angin kan hmang lo tlangpui a, a tawpah kan thatpui tura kan ngaih hian chhiatna ah min hnuk lut fo thin. Hei vang hian sorkar hriatpui loh Bank atanga kan LSC dahkhama loan lak loh a him. Tunah hian hetiang avang hian hnamdang kutah kan ram hlu tak te a lut mek a ni tih thil chik miten an sawi ta sep sep mai. A dik ngeiin a rinawm.

ramin hma a sawn rualin mimal leh chhungkuain hma kan sawn zelnain, a hrin chhuah Zoram buai hmaa kan hriat phak vak loh, Industry tenau leh kan in leh lo sakna hmanruate a lo danglam tak avangin hnamdang rawih kan ngai ta hi a lawmawm a. Amaherawhchu, kan hlawhfa (hnamdang) kan lakluh dan hi a felhlelin kan fimkhur lo takzet a ni. Tupuirala mingo valte'n min kalsan

- Sawm Sawmi Pu

dawn khan hnam tlem leh hriatna zau lo kan nih te hre rengin, chimrala kan awmlahna turin North Eastern Frontier Regulation Act hnuai ah Inner Line Permit (ILP) min lo siamsak hi keini Mizote tan a va hlu tak em! He dan tha tak zawm lova keini Zofate ngeiin kan hna thawktu tur kan lakluh dan hi a pawh takzet a ni. Kan hmasawna avanga hnamdang kan lalut a nih pawhin ILP dan hi hnamdangin min chinral lohna atana kan hmanraw neih that ber a ni tih hre mawlh ila, dik takin i hmang ang u.

Tunah pheii chuan he ILP dan hi hlih a nih theih nan kan chhehvela vai ho hian ngawrh takin hma an la mek a, an hlawhtlin hma chuan hma an la reng dawn a ni tih i hria ang u. Hei hi thiah a nih vaih chuan chimral kan nih loh nana a man kan pek tur chu a sang viau ang le! Central YMA kaihhruainaa ni 24.4.2013 zana ILP check runpui neih a nih khan veng dang chu sawiloh, kan vengah pawh hnamdang sawmhnih khat lek nei tura kan in ngaih laiin, za chuang kan lo khawi reng mai te hian ngaihtuahna a va ti thui em!

fimkhur taka a kalpui hi chhawm nung zelin, rawn pmlut tharte, Section a bial neitute finfiah bakah Section/Branch- te'n uluk takin finfiah zel a va tha em. Hetih rual hian rawn pem tharte hian YMA- ah chauh kan khawtlanga awm phalna lehkha hi an rawn keng a ni lo, Local Council/ VC leh Kohhranah an rawn dil ve bawk. Local Council leh Kohhran kan sawi nepna ni loin, anni hi chuan 'In dil chu hmu tawhah inngai rawh u' ti ang deuhah an in ngai em ni aw ka ti thin. YMA fimkhur tluka kan fimkhur thei lo a nih pawhin, a fimkhur peihte hmalakna ngaichang hram hram se tih hi hun rei tak atang khan ka rilru luahtu a ni fo thin.

(*Kar lelah chhunzawm a ni ang*)

Chawngbawla Section

- ☐ Ni 7.5.13 zan khan Asst Secy Tv H Lalrinmawia te inah Committee meeting neih a ni a, hmalakna tur hrang hrang rel a ni.
- ☐ Section bungrua in Chawngbawla Rûn sak thatna tur Section nu leh pate hnenah tanpuina khawn mek zel a ni a, phal taka Section tana tanpuina khawn mek zel a ni a, phal taka Section tana tanpuina lo pe tute zawng zawng chungah lawmthu an sawi.
- ☐ Section Sport neih tum chu ruahtui a tlak nasat tak avangin hun remchang hmasa bera neih tura sawn hrih a ni.
- ☐ YMA chhang te tan Programme hlimawm tak buatsaih thuai tuma hmalak mek a ni.
- ☐ Ni 10.5.13 zan khan thutthleng a chhinchhiaha chhua hnatlang neih a ni. Hnatlangte thingpui leh a hmeh tui tak hluitu Pi Rintluangi (RTS) te chhungkaw chungah an lawm hle.
- ☐ An Asst Leader Pu K Lalthakima damlo pawh a dam leh ta zela, an lawmpui hle

Khuangchera Section

- ☐ Ni 9.5.2013 (Ninga) zan khan Pu Lalchhanhima inah meeting pawimawh tak an nei.
- ☐ Sumtuak nan Electric bill leh tui bill khawn thin ani a, nu leh pate tlawmngaih chhuaha bill lo pektir thinte chungah lawmthu an sawi a, lo pektir zel tur pawhin an inngen.
- ☐ Section bungraw hawh dilna form siam a ni a, bungraw hawh turte chuan Property in charge Pu Laliangsanga hnenah form hi lak hmasak thin tur a ni. Bungraw hawhte hi felfai taka dah leh thin turin an inhriattir.
- ☐ Chhungtinte mahni in leh a vel vawngfai turin an inchah.

Neuva Section

- ☐ Ni 7.5.2013 (Thawhle) zan khan meeting neih a ni a, thu pawimawh tak rel a ni.
- ☐ YMA Member, Silver Jubilee budget Rs. 20 khawn mek a ni a. YMA member-te ngai pawimawh turin an in chah.
- ☐ Section chhungah YMA Census neih mek ani a, Epic No. ziah chhuah ngei tha tih anih avangin chhungtinte Voters ID card nen a lo inring turin an inngen.
- ☐ Leader's Directory (Tar chi) siam

a hmalak mek ani a, zawrh theih a peih fel thuai beisei ani.

- ☐ Chhung tinte mahni in leh a vel faoi taka vawng turin an in ngen.
- ☐ Section bungrua hawh tur reng rengin fai tak a dah leh thin turin an in chah.
- ☐ HSSLC pass thar Lalramnghaki d/o Lalhmunmawia Pautu III (Home.Sc)

Taitesena Section

- ☐ Ni 7.5.13 (thawhle) zan khan committee an thu khawm a, thu pawimawh tak an rel.
 - ☐ Branch YMA Silver Jubilee lawm nan hruaituten member tinah ₹ 20 an khawn dawn a, member-te an inhriattir lawk.
 - ☐ An hruaitu Pu Lalhmingliana zin pawh dam takin a lo haw leh ta.
 - ☐ Hruaituten ni 9.5.13 (ninga) zan khan nu leh pa koh khawm an tum a, khuain a zir loh avangin ni 24.5.13 (zirtawp) zana an sawn.
 - ☐ HSSLC pass tharte.
- | | | | |
|----------------------------------|--------------|--------------|------------|
| <i>Hming</i> | <i>Pa/Nu</i> | <i>Hming</i> | <i>Div</i> |
| Lalduhsangi | Lalfakthanga | II | |
| Lalthanzami | Vanlalliana | II | |
| Lalrinawma | Vanlalliana | III | |
| Gospel Zatluanga | | | |
| s/o Lalthanmawia Pachuau | II | | |
| Annie Lalmalsawmi d/oLalzirliana | II | | |
- ☐ Chhungtinte mahni in leh a vel vawngfai turin an inchah.

IGNOU ADMISSION

Central YMA hnuai IGNOU Special Study Centre-ah Bachelor Prepatory Programme (BPP) leh Certificate in Disaster Management (CDM) te a zir theih a, May thla chhungin admission tih tur a ni a, zir duhte chuan a ranglama ngaihven tur a ni e.

<i>Course</i>	<i>BPP</i>	<i>CDM</i>
Duration	thla 6	thla 6
Adm. Fee	₹1200	₹1900
<i>Zir thei chin</i>		
BPP-India khua leh tui, kum 18 tling chin		
CDM- 10+2 emaw a tlukpui pass tan		

Admission fee hi hmuhlet leh vek theih a ni a, lehkhabu a thlawna dawn a ni baw. Hrechiang duh tan Central YMA Office-ah emaw, Co-ordinator Dr C Lalhthlengliana (Mob.no-9612163379)-ah zawhfiah theih a ni e.

Vanapa Section

- ☐ Asian Cup Karate Championship- a an section member lawmman latute chu an lawmpui hle.
- ☐ Section chhunga Vantlang zun in siamna tur hna an hmu a, hemi atana hmalaksaktu Councilor Pi Zamanthangi chungah lawmthu an sawi. Ni 11.5.2013 (Inrinni) khan nilengin Zun In siam hian hruaitu hnatlang an nei.
- ☐ Veng chhunga tuiluankawr leh step siamtute chu tha tak leh rintlaka siam turin an ngen.
- ☐ HSSLC pass- Christina Lalchhandami d/o Lalrampari - II Div (Arts)

CHHAR

YMA Zawlbuk bul velah Bag a chhunga thil awm chhar a ni a, a ti bo chuan Pu Roneihluanga in Zawlbukbulah ngaihven theih a ni.

YMA ZAIPAWL

Ni 5.5.2013 (Pathianni) tlai khan Branch YMA Zaipawl enkawltute an thukhawm a, August ni 13-15 chhunga Branch YMA zaipawl intihsiak lo awm tura inbuatsaih dan tur changchangte an sawi ho va. Tin, zaipawl member an ruat belh baw. Branch YMA Zaipawlte hian Ni 15.5.2013 (nilai) zan inkhawm ban hian YMA Zawlbukah intihsiakna ami tur hla zir tur a ni a, member-te kim taka kal turin an inhriattir.

Silver Jubilee Sub-Committee

Ni 14.5.13 Thawhle zan hian Pu Lalnunthara te inah Committee thut tur a ni. Member ten he hun hi ngaipawimawh turin an in hriattir.

KEIMAHNI

- ☐ Pu John Zosangliana (T-sect) chuan Thingpui hmeh lei nan ₹ 200 min pe a, kan lawm hle mai.
- ☐ Editorial Board member-te kan kalkim thei a, kan lawm khawp mai.
- ☐ Branch OB, Tv Zaita, Pa Tluanga leh Pa NGKA te'n min tawiawm a, kan phuisui hle.
- ☐ Ni 17.5.2013 (Zirtawp) tlai hian Vice President Pu T ngurkhuma chuan Branch OB te leh Editorial Board member-te tan zanriah a buatsaih dawn a, kan lawm hle mai.

Local Council

❑ Veng chhungah Local Council phalna leh hriatpuina la hmasa lo chuan vehbur / donation khawn phal a ni lo.

❑ Ruahsur avangin Edenthar kawng Pu Lalkunga kawm thlangah leiminin kawng a hnawh a, Local Council-in hma lain paih fai a ni.

CVTIP

❑ Kum 2013 chhung atana Membership FEE khawn mek chu zawhfel thawkhat a ni tawh a, Annual Member FEE petu chhungkua zawng zawngte chungah lawmthu an sawi. Kum in ah hian Annuam Member FEE hi chhungtin hnenah ₹20 zel lak a ni. La pelote tan englai pawhin office Bearer hnenah pek theih reng a ni.

❑ Kum in 3013 chhung atan Library Member FEE ₹20 pe-a Library a lehkhahu duh ang ang hawhchhuah theih reng a ni a. Lehkhahu thar engemaw zat leithar a niin, vengchhung mite a duh apiangin Member-a inpein Heng lehkhahu tharte pawh hi hawh nghal theih a ni.

❑ Library chung thlakna atan Rangva Bundel 5 Bialtu MLA hnenah dil a ni a, karlehah hian lakchhuah mai theih an in beisei, Library chung thlakna hnattlang nei tur hian hruaitu lo inring turin an in hriattir. A tūlanga hma laksaktu Pi Biakhluni leh Bialtu MLA Pu Lalthanzara hnenah lawmthu an sawi

The Good Life

**Kitchenware Multibrand Show-room
CHANMARI, Aizawl**

Ei leh in siamna, chhumna, chhawpna & vawn \hatna :

Corelle, Treo, Nirlep, Milton, Clay Craft, Roxx, Signoraware & Company rintlāk dangte siam : melamine, plastics, bone china, ceramics, glass, non-stick & stainless steel -

Microwave oven, induction cooker, mixer, juicer, grinder, thleng, no, fian, bel leh bawm, man tlawm ber a\anga changkang ber thlengin kan zuar e.

Duh anga tha, rin aia tlawm!

The Good Life, Opp: HB College,
Chanmari Kawn, Ph: 2346826

Badminton

❑ CWBC hruaitute thlan ni 4.5.13 Inrinni khan neih a ni a kum 2013 - 2014 hruaitu thlante chu

President - Pu Lalchhandama Ralte
V. President - Pu T Bualzika
Secretary - Pu Lalbiakhluna
Asst Secy - Pu B Vanlalruata
Treasurer - Pu C Lalmuanpuia
Fin Secy - Pu K Lalṭhakima.

❑ Ni 4.5.13 Inrinni khan Indoor Studium One Day Tournament neih a ni a. Category 4 (pali) an in then a, tlaiah chawhlui kilho nghal a ni.

❑ Ni 4.5.13 Inrinni a chawhlui siamsaktu Pu R Rokima leh phaltaka in hmantirtu Pi Remzovi te chhungkaw chungah lawmthu an sawi.

❑ Chanmari Badminton nen One Day neih neih turin inbuatsaih mek a ni.

❑ Aizawl North Zone Badminton Association in Tournament a siam turah telve tuma inbuatsaih mek a ni.

MHIP

❑ Ni 2.5.13 Ningani zan khan Branch Executive Committee an nei

❑ MHIP en kawm Centre 3-te pawh kalpui zel a ni a, Anganwadi Centre-IV pawh Registration tih mek a ni. Tailoring leh Handloom Training Centre pawh kum 2013 Batch ṭan a ni tawh a. Handloom Training duh tan Seat tlem ala awm, Training duh chuan a ranglama Secretary hnenah in hriattir tur a ni. Naupuak puan leh puan lei duh tan Pi Vanlalmawii hnenah ngaihven theih a ni.

❑ Ni 30.4.2013 thawhleh khan Chanmari YMA Hall a Anganwadi kalphung inzirtirna neihah Anganwadi Centre-IV Co-ordination aṭangin Pi Vanlalmawii leh worker-te an kal.

Chanmari West football team

Aizawl District Inter Village Football Tournament, NECS Cup khelh mekah champion tumin Chanmari West team an inbuatsaih mek a, ni 16.5.2013 hian Phullen leh Muthi inkhel chak zawk nen an intum dawn. Tournament hi ni 6.5.2013 atangin khelh tan a ni a, team 96 telin champion-in ₹ 1,30,000 an hmu dawn a, pahnihna kutah ₹ 75,000 hlan a ni ang.

CWSC

❑ 2012-2013 chhunga an sum Pu R Lalchhuanawma'n a audit-sak a, a chungah an lawm takzet.

❑ 2013-2014 chhunga hruaitu tur thlan an tum hunah member 20 baww vel chauh an kal avangin thulh a ni a, ni 17.5.2013 (zirtawp) zanah inthlan hi neih tura sawn a ni. Hun ruatah hian a bik takin hruaitute leh an player-te kal vek turin an inhriattir a, kal an tam loh avanga an inthlang thei lo leh a nih chuan inthlan hi neih loh tur a tih a ni.

BO

Ni 5.5.13 (Pathianni) tlai khan K-section leh T-section kawngpuiah Rain Coat a tuam nihliap Bike atangin thlauh a ni a, a chhar chuan khawnggaih taka min pe leh tur in ka ngen a che.

LALLAWMPUIA

Chawngbawla Section.

PUANṬHUI KHAWL SIAM THIAM

Puanṭthu khawl puan engpawh ṭhui thei turin ka Siamthei reng e. Gas Stove pawh ka la siamthei reng e.

Puanṭhui khawl a chhuak hmasa puan pawh nalh tak tak a ṭhuithei tlawmte a lei tur pawh ka nei e. Han thlang ve rawh le.

Khawl Gas Stove Siam mamawh chuan han phone la ka rawn pan mai dawn che nia.

Save rawh le LH Chawngthu

☎ 9612322639. (3-1)

Free Admission / Free Monthly Fee for Class X (MBSE Course) Aizawl West Academy, Dawrpui Vengthar.

Class X tan Morning Class hawn mek a ni

Admission Fee: Free Regd. ₹100 ken tur

Monthly Fee : Free

Saturday apiangin subject 2 test tur a ni a, Test Fee a awm ang. Naupang ti ṭha tan kum tawpa lak turin stipend siam a ni ang

Class timing: 6:00AM - 8:15AM (X-XII)

Class XI-XII (Arts) admission hawn mek a ni baw. Admn/Monthly Fee chawi a ngai. Scholarship a awm. (Education, Pol.Sc., PA, Geog, History, Sociology, Hindi, English, Mizo)

Contact: 8974437446/9862365768 (2-2)